

KABINET DIREKTORA

SKUPŠTINA KANTONA SARAJEVO
Adresa: Reisa Džmaludina Čauševića 1

n/r Vildana Bešlija, zastupnica

2556

ZOI'84
Olimpijski centar
Sarajevo



17-06-2021
09 04
22801-107
Broj: 1727-1/21
Datum: 16.06.2021.

PREDMET: Odgovori na zastupničku inicijativu, veza Vaš dopis br.01-04-22801-60/21 od 01.06.2021. godine.

Poštovana,

KJP ZOI'84 OCS d.o.o. je aktuelni upravitelj sportskog rekreativnog područja Bjelašnica-Igman, te se zahvaljujemo na inicijativi za razvoj ovog lokaliteta.

Na području Velikog i Malog polja na Igmanu posjedujemo dozvole za upravljanje i raspolaganje postojećom imovinom, ali zbog neriješenih imovinsko-pravnih odnosa sa KJP Sarajevo Šume i Općinom Hadžići usporen je razvoj novih sadržaja, kao i obnova postojećih sadržaja.

Kao pozitivne pomake možemo istaći:

- Da je novi regulacioni plan u fazi usvajanja, a koji obuhvata značajno proširenje ljetnog sadržaja na Velikom Polju. Novi regulacioni plan uključuje izgradnju: novih sportskih terena, staza za šetnju i biciklizam, amfiteatar, javne toalete i sl.
- Drugi važan korak je organizacija EFNSa, Evropsko takmičenje šumara, za koje imamo osigurana sredstva u iznosu od 1.6 mio. Vlada je ovo takmičenje proglasila od javnog interesa, te bi investicija od 1.6 mio značajno doprinijela razvoju zimskog sadržaja na Velikom Polju.


Za uspješnu implementaciju projekata ključno je:

- Prebacivanje prava vlasništva zemljišta sa KJP Sarajevo Šume na KJP ZOI'84, što je u nadležnosti Skupštine. Ovo je problem koji nije riješen od 1984 godine i koji značajno usporava razvoj lokaliteta Veliko i Malo polje.
- Kako bi smo adekvatno upravljali ovim područjem dajemo prijedlog Skupštini KS da se katastarske čestice koje su bile izdvojene u korist KJP ZOI'84 OCS d.o.o. a naknadno brisane iz katastra vrate u posjed KJP ZOI'84 OCS d.o.o.

Shodno Vašoj inicijativi, u daljnjem tekstu dostavljamo tražene informacije po odvojenim tačkama.

1. Uređenje staze za nordijsko skijanje i staze za šetače na Velikom Polju;

Dio ovog prijedloga će biti realizovan kroz projekat EFNS-a za što su obezbjeđena ukupna finansijska sredstva u iznosu od 1.600.000,00 KM. Projekti su usmjereni na zimski sadržaj. Ova investicija kao i realizacija samog EFNS-a je uslovljena rješavanjem gore navedenog problema.



2. **Osposobljavanje mašina-ratrak za uređenje staza za nordijsko skijanje;**
Planirana je nabavka mašine za uređenje staza kroz projekat EFNS-a za što su dijelom obezbjeđena finansijska sredstva iz budžeta od 1.600.000,00 KM
3. **Angažovanje redara za održavanje reda, naplatu parkinga i naplatu korištenja staza za nordijsko skijanje;**
Nerješeni imovinsko pravni odnosi kako je gore navedeno, KJP ZOI'84 OCS d.o.o. ne ostvaruje prihode na ovom lokalitetu iz kojih bi mogao finansirati angažman potrebne radne snage.
4. **Izgradnja javnog WC-a sa prostorijom za presvlačenje;**
U potpunosti podržavamo inicijativu i smatramo da je neophodna. Za izgradnju su neophodna sredstva u iznosu od min 100.000,00KM za izgradnju objekta i rješavanje odvodnje otpadnih voda, kao i pitanje tekućeg održavanja.
5. **Izgradnja dodatnih kapaciteta, koji bi građanima omogućili ugodniji i duži boravak (čajna kuhinja, restoran ...)**
Dugoročno KJP ZOI'84 OCS d.o.o. je opredijeljen razvoju sportsko rekreativnih sadržaja, te nemamo u planovima širenje ugostiteljske ponude. Kada je u pitanju ugostiteljska ponuda smatramo da je bolje da ovu ulogu preuzmu privatni investitori.
6. **Uređivanje prostora za prodaju poljoprivrednih proizvoda i proizvoda iz domaće radinosti;**
Mišljenja smo da je ovo pitanje više za lokalnu zajednicu. KJP ZOI84 upravlja sportsko-rekreativnim sadržajima.
7. **Osposobljavanje infrastrukture sportskih terena za ljetne sportove;**
Planirano kroz prijedloge novih Urbanističkih planova.
8. **Osposobljavanje infrastrukture za šetace i bicikliste;**
Planirano kroz prijedloge novih Urbanističkih planova.
9. **Uređivanje kapaciteta za izletnike;**
Planirano kroz prijedloge novih Urbanističkih planova.
10. **Obezbjeđivanje prostora za edukaciju u prirodi učenika i studenata;**
Planirano kroz prijedloge novih Urbanističkih planova.
11. **Uređivanje amfiteatra za potrebe javnih događanja;**
Planirano kroz prijedloge novih Urbanističkih planova.
12. **Zaštita postojećeg biljnog i životinjskog fonda.**
Potreban nastavak angažmana Fonda za zaštitu okoliša.

Za dodatna pitanja stojimo Vam na raspolaganju i zahvaljujemo se na inicijativi.

v.d. Direktor
Jasmin Mešić

